

PROME FESTIVAL

PAPIAMENTO

A RESULTA UN EXITO

Un total di 19 cantante a participa dia 22 December ultimo den e prome Festival Papiamento cu a tuma lugar den Concord Hotel. Apesar cu e fecha di e festival hopi hende tabata ocupa pa motibo di drechamento di cas pa e fiestan di Pascu, sinembargo por wordo bisa cu e festival tabata un exito tremendo. No mas cu 19 cancion na papiamento a nace ariba e anochi ey. Etty Toppenberg hunto cu Trio Huasteca tabata e artistanan invita pa e anochi ey. Etty Toppenberg na su manera unico tabata sabi pa roba e show ariba e anochi di festival. Algo cu tambe a cai na agrado di e publico presente tabata e actuacion di Indrah y Sashah. Nan a wordo recompensa pa un aplauso fuerte pa e canticanan di pascu cu nan a presenta pa e publico.

Esnan cu a sabi di roba un premio durante e Prome Festival Papiamento como compositor ta lo siguiente:



Foto: Anthony Carlo - La Prensa.

Sr. Victor Pieters animador di Discorama - Voz di Aruba tambe ta tin e honor pa por a entrega un trofeo den nomber di Voz di Aruba pa e compositor mas popular, Sr. Eddy Bennett.

Jossy Brokke na di tercer lugar, na segundo lugar Eddy Bennett kende na un manera fantastico a presenta cu un combinacion di jazz y wals. Robert Jeandor a sabi di titula su mes como e mihor cantante, mientras cu Rafael Rosario a sali na e segundo lugar y na tercer lugar a titula su mes Ludwina Booi.

E sorpresa durante e Prome Festival Papiamento sin duda tabata den e persona di Eddy Bennett kende na un manera grandioso a sabi di conquista varios premio, cual entre otro e trofeo di Aruba Press Club. E trofeo aki a ser entrega pa e fotografo di e diario Nobo, Sr. Django Simons. Robert Jeandor a logra di gana un guitarra clasico, cual premio a ser entrega pa Harold Miranda. Sin duda nos por bisa cu e Prome Festival Papiamento tabata e show mas valioso durante 1978. Na e organisador di e Prome Festival Papiamento, Sr. Oscar Figaroa ta bai un palabra di felicitacion pa su gran idea. Un idea cu sigur lo duna nos idioma papiamento un poco mas balor ariba tereno artistico.



Algo cu sigur a cai na agrado di e publico presente tabata e actuacion di e coro consistiendo di Indrah y Sashah.

Foto: Anthony Carlo - La Prensa.